



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWEKUCALA LWEKWENGETA (FAL)

LIPHEPHA LEKUCALA (P1)

INDLOVANA/INDLOVULENKHULU 2015

EMAMAKI: 80

SIKHATSI: 2 ema-awa

Leliphepha linemakhasi la-14.

TICONDZISO KULABAHOLWAKO

1. Leliphepha lehlukaniswe TIGABA LETINTSATFU:

SIGABA A: Sivisiso	(30)
SIGABA B: Sifinyeto	(10)
SIGABA C: Takhi netimiso tekusetjentiswa kwelulwimi	(40)
2. Fundza TONKHE ticondziso ngekucophelela.
3. Phendvula YONKHE imibuto ngeSiswati.
4. Cala LESO NALESO sigaba ekhasini LELISHA.
5. Dwwebela ekugcineni kwaleso NALESO sigaba.
6. Tinombolo tetimpgendvulo atihambisane naleto letisephepheni lemibuto njengobe tinjalo.
7. Shiya umugca emkhatsini wetimpgendvulo takho.
8. Bhala ngebunono nangesandla lesifundzekako.
9. Caphelisia sipelingi/lupelomagama nendlela lewakha ngayo imisho.
10. Hlela sikhatsi ngalendlela:

SIGABA A: 50 emaminithi
SIGABA B: 30 emaminithi
SIGABA C: 40 emaminithi

SIGABA A: SIVISO**UMBUTO 1**

1.1 Fundza letheksthi lengentasi bese uphendvula imibuto letawulandzela.

ITHEKSTHI A**KUKHULISWA NGUGOGO**

Lomavila akatange ahlale nenina. Make wakhe wahamba Lomavila aseseluswane lolubovu. Waba ngumtfwalo wagogo Matitila. Bekangumtfwalo loncono ngobe gogo Matitila bekamtsandza futsi atidvuvvuta ngaye ngekushiywa ngumake wakhe. Kuye gogo Matitila bekufana ncamashi nekutsi unendvodzakati yakhe Badzanile lotala Lomavila.

Gogo Matitila bekamtsandza kakhulu lomtukulu wakhe futsi bekamphatsisa kwelicandza. Bekatsatsa yonkhe imali yemphesheni anake tidzingo taLomavila. Bekamtsengela wena timphahla, wena kudla netintfo tekudlala. Kwatsi nangalesikhatsi sekufanele aye ekhreshi, saphindze sasebenta kamatima kanjalo salukati, samngenisa umtukulu waso esikolweni. Sasitimisele kakhulu kumbona alutfo esiveni umtukulu waso.

Uma acedza tigaba tekhreshi walungela kuya esikolweni. Ufundze kahle impela imiphumnela beyijabulisa sibili. Kutsite uma asafundza libanga le-7, wajabula gogo Matitila kutsi Lomavila sewutawuba lusito emsebentini wasekhaya ngobe phela besakhulakhulile. Gogo bekamfundzisa kutsi awashe tindishi, atsanyelete nelikamelo lakhe aphindze awashe netimphahla takhe tesikolo. Akatange akujabulele loko Lomavila, bekabona kungatsi gogo uyamhlupha.

Bekutsi nakakhulumu naye akwate aphume tinyembeti, asho nekusho kutsi yena utawushayela lababukene nemalungelo ebantfwana lucingo asho kutsi uyahlkumeteka. Gogo bekamtjela kutsi loku ukwentela kutsi akhule akhone kutimela ngobe akati kutsi likusasa limphatseleni. Bekutsi kungasa, nango Lomavila abukela ithelevishini kusukela ekuseni lite liyoshona lilanga. Bekasukuma nasekutikhatsi tekudla, adle acedze abeke sitja ladlele kuso lapho ahleti khona, uma etamile utawusukuma afike asijike ekhatsi esinkini angasiwashi.

'Hhawu mtukulu wami, ungatsi ungibona ngibhizi emabhodweni uphike kubukana nethelevishini, loku uyabona kutsi sisobabili futsi bengitsi utawuba ludvondvolo Iwami', kusho salukati ngalelinye lilanga sesidzinwe kusebentela umtukulu lobesagucuke lelikhulu livila lelehluleka nekutenwaya, inyoka lucobo Iwayo. 'Gogo mine ngenta umsebenti wesikolo, mnyenti ebangeni le-7, kuperhendvula Lomavila ngekukhala'.

Wetsemba naye gogo kepha inhlitiyo yakhe beyophela ngekhatsi ngoba abona kutsi angahlupheka uma kungenteka ashone yena. Kute umuntfu lobekangavisa umntfwana lobuya esikolweni ajike sikhwama embhedzeni longakagcetjwa, avule emabhodo aphakele, adle, ashiye titja lapho adle khona, ahambe ayobukela ithelevishini.

Tonkhe tinhlelo letidlala kuthelevishini betatiwa nguye. Bekangaphumelela uma bekungaba nemncintiswano wetinhlelo tethelevishini, tikhangisi, emaculo nebaculi bawo.

Kuhambe kwahamba kwaphela iminyaka lembili, washona gogo Matitila, solo akhale njalo ngemtukulu wakhe. Yashelwa ngemanti inhlanti. Bonkhe labebamatyi bala kuhlala naye. Sonhlalakahle wafuna babe waLomavila, wamtfolia lapho bekakhona. Babe wakhe bekanalomunye umfati, Lomavila bekatawuhlala naye.


[Sibani Semaswati Libanga 12, Likhasi 33]

CAPHELA:

- Phendvula yonkhe imibuto ngemagama akho, ngaphandle kwekuba uceliwe kutsi ucaphune.
- Embutweni lodzinga imphendvulo yinye, bhala inombolo yembuto ilandzelwe yimphendvulo.

- | | | |
|--------|---|-----|
| 1.1.1 | Ngubani Badzanile kuletheksthi? | (1) |
| 1.1.2 | Yini leyabangela kutsi Lomavila ahlale nagogo wakhe? | (1) |
| 1.1.3 | Gogo Matitila bekamtsandzelani kangaka umtukulu wakhe? | (1) |
| 1.1.4 | Bhala KUBILI lokukhombisa kutsi gogo Matitila bekamphatsisa kwelicandza Lomavila. | (2) |
| 1.1.5 | Yini leyajabulisa gogo Matitila uma Lomavila safundza libanga lesikhombisa? | (1) |
| 1.1.6 | Bhala KUBILI loku gogo bekakufundzisa Lomavila. | (2) |
| 1.1.7 | Kuchazani loku lokulandzelako? | |
| | (a) Umtukulu. | (1) |
| | (b) Indvodzakati. | (1) |
| 1.1.8 | Liciniso nobe ngumbo kutsi bantswana labahlala nabogogo bayavilapha? Sekela imphendvulo yakho ngeliphuzu LINYE. | (2) |
| 1.1.9 | Sifundvo sini lesisitfola kuletheksthi lengenhla? Bhala emaphuzu LAMABILI. | (2) |
| 1.1.10 | Uyavumelana yini naloku lokushiwo nguLomavila kutsi uyahlukumeteka? Sekela ngemaphuzu LAMABILI. | (2) |

- 1.1.11 Saphumelela yini sifiso sagogo Matitila ngaLomavila? Sekela ngemaphuzu LAMABILI. (2)
- 1.1.12 Ngewakho umbono waphumelela yini Lomavila kuhlala nababe wakhe? Sekela ngemaphuzu LAMABILI. (2)
- 1.2 Buka lesitfombe lesingentasi bese uphendvula imibuto letawulandzela.

ITHEKSTHI B

[Sunday Times 2011]

- 1.2.1 Lona lophuma ngelifasitelo wenteni? (1)
- 1.2.2 Ngusiphi sikhatsi selusuku lokwenteka ngaso lokusesitfombeni? Sekela ngeliphuzu LINYE. (2)
- 1.2.3 Yini lokufakazela kutsi angahle aboshwe Iona losesitfombeni? Khetsa YINYE imphendvulo.
- A Kunemoto yebanikati bendlu leseyifikile.
 B Kunemoto yemaphoyisa leseceleni kwendlu.
 C Lesigebengu asikhoni kubalekela emaphoyisa.
 D Lesigebengu sitfwele umtfwalo losindzako. (1)

- 1.2.4 Kuvela kweveni yemaphoyisa kusita ngani kulesibonwa? Bhala liphuzu LINYE. (1)
- 1.2.5 Nguliphi ligama lelikulesibonwa lelikhombisa kwetfuka? (1)
- 1.2.6 Yini lengentiwa kuvikela bugebengu? Bhala emaphuzu LAMABILI. (2)
- 1.2.7 Sifundvo sini lesitfolakala kulesitfombe lesingenhla? Bhala emaphuzu LAMABILI. (2)
[30]

SAMBA SIGABA A: 30

SIGABA B: SIFINYETO**UMBUTO 2**

Fundza letheksthi lengentasi bese uyayifinyeta ngemagama langabi ngetulu kwala-70.

Kuhle kutsi ucabangisise nangabe ufisa kuyofundza enyuvesi. Bhala sifinyeto ngalokumele ukulandzele nawukhetsa loko lofuna **kukufundzela**.

CAPHELA:

- Sifinyeto sakho asibe ngemaphuzu LASIKHOMBISA labhaleke ngemisho legcwele lengengci emagameni la-70.
- Nika emaphuzu akho tinombolo leticala ku-1 kuya ku-7.
- Umusho munye awumumatse liphuzu linye.
- Sebentisa emagama AKHO.
- Khombisa linani lemagama lowasebentisile kubakaki ekugcineni kwemphendvulo yakho.

ITHEKSTHI C**KUKHETSA LOFUNA KUKUFUNDZELA**

Kubalulekile kutsi nawungumfundzi futsi ucabanga kufundzela iuhlobo lolutsite lwemsebenti ucale kwenta emalungiselelo ekwamukeleka etikhungweni temfundvo lephakeme kusenesikhatsi lesanele. Loku kumele ukwente usasebangeni le-9. Phela awumane utsi ungacedza libanga le-12 bese kuba ngikhona ucabanga kuyofundza enyuvesi nobe ekolishi lemakhono. Landzela letinyatselo kute ungenti emaphutsa lotatisola ngawo kusasa.

Buta bese ufunu Iwati mayelana naloko lofuna kukufundzela. Umbuto wekucala wubhekise ngakuwe. Tibute kutsi ngabe unalo yini lutsandvo, likhono nemandla ekufinyelela kulesifiso sakho salomsebenti lotawufundzela, ngabe ngukuphi lonelikhono lekukwenta kalula. Buta labanye labatifundzwa labenta wona lomsebenti kute utfole buhle nebubi bawo. Lolunye Iwati lufune emaphephandzaben na leminye imitfombo yelwati longayitfola njengaku-inthanethi.

Akha iuhlelo totalulandzela. Kumele wati kutsi ufunu kufundzelani usesebangeni le-9 bese ukhetsa tifundvo letihambisana naloko lofuna kukufundzela.

Hlelela kutfola emamaki laphakeme kuletifundvo lotikhetsile ngekutimisela kute uphumelele iuhlolo Iwelibanga le-11. Phela lemiphumela yelibanga le-11 ngiyo lotayifaka ihambisane nesicelo sakho sekwemukelwa enyuvesi nobe ekolishi lekufundzisa emakhono.

Cabanga ngetidzingo letihambisana naloko lofuna kukufundzela. Ciniseka ngetifundvo lekumele utiphase nangabe ufunu kwemukelwa.

Tibute kutsi utalutfola kuphi Iwati loluphelele ngalesifundvo. Loku kusho kutsi ufun indzawo, kungaba yifikthri nome lihhovisi lapho utawutfola futsi ubone ngemehlo bantfu benta lomsebenti bukhoma. Kumele wati kutsi lusito Iwetimali utalutfola kuphi. Loku kufaka ekhatsi emabhazari netimalimboleko.

Ciniseka kutsi ngabe loluhlobo lwemsebenti lutakusita ngani emphilweni yakho. Hlela tinhloso takho ngaloko lofuna kukwenta. Veta kutsi uhlose kucala ngani bese ucabanga naloko lokuyinhloso yesikhashana, lotakutfolo ngemuva kwemnyaka munye, lemibili kuya kulemitsatfu.

Tsatsa sinyatselo. Ngemuva kwekwenta konkhe loku lokungenhla, kumele utsatse sincumo sekutimisela kusebenta kamatima, utibone sewuphumelela ngemuva kwemnyaka lemine uba nguloko bewufisa kuba ngiko futsi sewukhona kutiphilisa. Buyeketa sincumo lositsetse. Akubonakale kutsi sitakuletsela ematfuba lanjani. Nangabe lesincumo lositsetse sifuna kutsi untjintje indlela yekuphila, yenta njalo. Timisele kungagudluki esincumeni sakho. Beka imfundvo embili.

Titjele kutsi sewukulungele. Nasewukwentile konkhe kumele ugcine ngekutitjela kutsi sewusesimeni sekufundzela lomsebenti. Titjele kutsi ungakwenta kantsi futsi utakwenta. Ungavumeli labanye bakususe kuloku lose utimisele kukwenta. Lokwehlule lomunye akusho kutsi nawe kutakwehlula.

[Ihunyushwe kuKhetha, DHET and SAQA]

[10]


SAMBA SIGABA B: 10

SIGABA C: TAKHI NETIMISO TEKUSETJENTISWA KWELULWIMI**UMBUTO 3: KUHLATIYA SIKHANGISI****CAPHELA:**

- Emphendvulweni ledzinga ligama linye kuphela, bhala inombolo yembuto neligama leliyimphendvulo kuphela.
- Emibutweni lenetimphendvulo letinyenti lokumele kukhetfwe kuto, bhala inombolo yembuto kanye neletha lemele imphendvulo nobe imphendvulo lephelele.

ITHEKSTHI D

Fundza lesikhangisi lesingentasi bese uphendvula imibuto letawulandzela.

**EMAHEWU NUMBER (1)**

- Entiwe ngemphuphu mbamba.
- AneVithamini B12 leyenta umtimba ungadzinwa.
- Ayacabula kubobabe labasebenta matima.
- Asutsisa sikhatsi lesidze.
- Acuketse iFayibha leyenta kutsi kudla kugayeke malula.
- Avela ngemafleyiva lamatsatfu - bhanana, shokolethi nesitrobheri.

[Ihunyushwe kulikhathono leMageu]

- 3.1 Sitsini sicubulo salesikhangisi? (1)
- 3.2 Bhala kube KUBILI lokungenta batsengi batsenge EMAHEWU NUMBER (1). (2)
- 3.3 Kuliciniso nobe ngumbo kutsi nawunatsa EMAHEWU NUMBER (1) ucosha koma nendlala? Sekela ngeliphuzu LINYE. (2)
- 3.4 Nika tizatfu LETIMBILI letenta kutsi emagama lalandzelako abhaleke ngekwehluka kulamanye.

LATSAKWE NGABHANANA


- 3.5 **Nciphisa** ligama lelidvwetjelwe kulomusho longentasi.
Acuketse iFayibha leyenta kutsi kudla kugayeke malula. (1)
- 3.6 Bhala LELINYE ligama **lelinemcondvo lophikisana** naleli lelidvwetjelwe kulomusho lolandzelako:
Ayacabula kubobabe labasebenta matima. (1)
- 3.7 Gucula leligama lelidvwetjelwe libe **sabito selucobo**.
AneVithamini B12 leyenta umtimba ungadzinwa. (1)

[10]

UMBUTO 4: IKHATHUNI**CAPHELA:**

- Emphendvulweni ledzinga ligama linye kuphela, bhala inombolo yembuto neligama leliyimphendvulo kuphela.
- Emibutweni lenetimphendvulo letinyenti lokumele kukhetfwe kuto, bhala inombolo yembuto kanye neletha lemele imphendvulo nobe imphendvulo lephelele.

Fundza lekhathuni lengentasi bese uphendvula imibuto letawulandzela.

ITHEKSTHI E

[Isolezwe, October 2013]

- 4.1 Lekhathuni iphat selene nani? Sekela ngeliphuzu LINYE. (2)
- 4.2 **Bhala indela lephikako** yalenkhulomo ledvwetjelwe kulomusho lolandzelako:
Nangimkhulu ngifuna kuba ngunesi. (1)
- 4.3 **Lungisa** ligama lelibhaleke kabi kulomusho longentasi.
Ucinisile wena thandi, sesifundza njengetiboshwa. (1)
- 4.4 Gucula leligama lelidvwetjelwe kulomusho lolandzelako likhombe **imphambosi yekwentana**.
Sipho, mine sengikhatsele kufundza. (1)
- 4.5 Bhala lomusho ube **sesikhatsini lesitako**.
Ngifuna kuba ngunesi. (1)

4.6 Shano kutsi lesento lesidvwetjelwe kulomusho longentasi sikuyiphi **indlela yesento**.

Sengikhatsel kufundza.

Khetsa YINYE imphendvulo kuleti.

A Indlela lesalibito.

B Indlela leyamile.

C Indlela lecondzisako.

D Indlela yesimo.

(1)

4.7 Kulomusho longentasi kuneligama lelimele **sandziso sesimo**. Likhokhe ulibhale.

Bantfwabami yini leniyitsandza kakhulu?

(1)

4.8 Yini lekhombisa kutsi thishela umile kantsi bafundzi bahleti?

Bhala emaphuzu LAMABILI.

(2)

[10]

UMBUTO 5: IPHROZI

CAPHELA:

- Emphendvulweni ledzinga ligama linye kuphela, bhala imibono yembuto neligama leliyimphendvulo kuphela.
- Emibutweni lenetimphendvulo letinyenti lokumele kukhetfwe kuto, bhala inombolo yembuto kanye neletha lemele imphendvulo nobe imphendvulo lephelele.

5.1 Fundza letheksthilengentasi bese uphendvula imibuto letawulandzela.

ITHEKSTHI F

KULOBOLA

'Ahambenjani emalungiselelo lapha Hluphi?' Kubuta Dan. 'Hheyi sengatsi ngiyaphupha Dan. Lokukhulu lokungijabulisile ngulokutsi sewucedzile kulobola. Sekuphelile lokukhiphana lebesolo sikhenta. Sekungashiwositsandvwa kutsi makhekhe makhekhe,' kuchuba Hluphi.

'Ngulonemona longakhulumatasti awukenti lutfo. Konkhe sekume ngemumo Dan,' kusho Hluphi. Tihlobo talapha ekhaya tifikile, tonkhe tihamba ngetimoto takalokusho. Lelilanga libusisekile njenganakutalwa inkhos. Inkhomolehlatjiwe iyewusikwa lapho kutsengiswa khona inyama. Bomakhelwane bayaphitsitela, nabo batewufaka tandla.


Bonogada bafikile, tigebengu angeke talibona lelidlalako. 'Ngiyetsema uyeneti seka ngalamalungiselelo lengiwentile sitsandvwa,' kusho Dan.

'Ngiyabonga mntfwanaketfu. Ngiyetsema kutsi nasesihlala sobabili, utangiwashela, ungiphekele nekudla lokumnandzi. Angitsi Hluphi?' Kuchuba Dan.

[Icanjiwe]

- 5.1.1 Bhala ligama lelitfolakala kuletheksthi lengenhla leliphikisa leli lelidvwetjelwe emshweni longentasi.
Ngabe yini **lekukwatise** kangaka Dan? (1)
- 5.1.2 Siga senkhulomo lesitsi '**makhekhe makhekhe**' sisetjentiswa nakwente njani? Bhala emaphuzu LAMABILI. (2)
- 5.1.3 **Sinongo** sini senkhulomo lesivetwe emshweni longentasi?
Lolusuku lubusisekile njenganakutalwa inkhos. (1)
- 5.1.4 Gacula emagama ladvwetjelwe kulomusho akhombe **kuphika**.
Lokukhulu lokungijabulisile ngulokutsi sewucedzile. (2)
- 5.1.5 Sebentisa libito lelitsi '**inkhomo**' emishweni lemibili livete imicondvo lehlukene. (2)
- 5.1.6 Bhala ligama libe LINYE endzaweni yemagama ladvwetjelwe. Inkomo lehlatjiwe iyewusikwa lapho kutsengiswa khona inyama. (1)
- 5.1.7 Bhala inchazelo yalesisho lesitsi,
'Angeke balibone lelidlalako.'
Khetsa imphendvulo yakho.
A Angeke balibone lihashi leligijimako.
B Abanayo ithelevishini.
C Angeke badlale ibhola.
D Angeke baphumelele. (1)
- 5.1.8 Bhala ligama lelikhomba lutsandvo lelisetjentiswe emshweni longentasi.
Sekungashiwo sitsandvwa kutsi 'makhekhe makhekhe.' (1)
- 5.1.9 Sebentisa ligama lelitsi 'bosidlani' emshweni kute kuvele kutsi uyayati inchazelo yalo. (1)
- 5.1.10 Bhala lomusho lolandzelako ucale ngekutsi, Dan watsi kuHluphi ...
'Ngiyetsema uyenetiseka ngalamalungiselelo lengiwentile,' kusho Dan. (2)

5.2 Fundza lesitfombe lesingentasi bese uphendvula imibuto letawulandzela.

ITHEKSTHI G

[www.mining.com]

- 5.2.1 Shano kutsi loluhlavu loludvwetjelwe lukuyiphi imphambosi yesento emshweni longentasi.
Ngisebentela umndeni wami. (1)
- 5.2.2 Nika bunyenti baleligama lelidvwetjelwe lelisefreyimini 1. (1)
- 5.2.3 Bhala libitomfakela lelitfolakala efreyimini 2. (1)
- 5.2.4 Nika sinciphiso saleligama lelidvwetjelwe efreyimini 4. (1)
- 5.2.5 Bhala LELINYE ligama lelinemcondvo lofana naleli lelidvwetjelwe kulomusho longentasi.
Mani dilayiva silayishe salukati. (1)
- 5.2.6 Bhala lomusho lolandzelako ube sesikhatsini lesisandza kwengca.
Ngiya edolobheni. (1)

[20]

SAMBA SIGABA C:
SAMBA SAKO KONKHE:

40

80